

欽定剿平粵匪方略

欽定勦平粵匪方略卷二百四十三 庚申年

五月二十三日

丙辰

兼署兩江總督江蘇巡撫薛

煥奏言臣於五月初四日帶勇由上海進發並

會督前署藩司蔡映斗等隨同前進行抵嘉定

之南翔地方據署太倉州知州楊錫麒面稟太

倉州城業於四月二十八日失守該逆現已竄

陷嘉定臣隨卽帶勇行抵嘉定城外向西門迎

勦蔡映斗亦帶親軍趕到併力齊攻立斃賊匪二三百名該逆死拒不退入城固守臣卽咨會吳煦飛調各路防堵兵勇並札太倉崑新正佐文武各員弁率領民團又調直隸州州同應寶時帶領礮船由崑新水路堵勦並經吳煦派候補知縣陳旭彩等帶團一攻嘉定一攻太倉陳旭彩等於五月初八日齊進各弁勇奮勇登城

遙擁而下見賊卽殺城中屍骸徧地餘賊開門逃竄又經分路追斃無數遂將嘉定太倉兩城同日克復餘賊向崑新一帶而逃應寶時遂將礮船駛近崑山之白塔河面立將該匪所搭浮橋拆斷並開礮轟斃百餘名臣卽分飭各員弁酌留兵勇扼守太倉嘉定兩城以防該逆回竄一面派兵乘勝進攻崑新以期次第克復所有

陣亡之千總陳松海等應請

旨交部從優議卹副將銜常州營遊擊富安管帶勇丁遷延不進以致前隊受傷應請

旨將富安交部議處至此次在事出力文武員弁紳董可否容臣查明分別獎敘之處恭候

訓示遵行奏入

上諭內閣曰嘉定太倉同日克復餘賊向崑新一帶逃

竄復被礮船轟斃百餘名辦理尙爲妥速著薛煥卽督飭吳煦等乘勝進攻崑山新陽並圖克復蘇常陣亡之千總陳松海把總王茂徐彪外委馮德鍾富均著交部從優議卹副將銜常州營遊擊富安帶勇遷延以致前隊受傷著交部議處該兩城文武下落著薛煥查明具奏如查有棄城逃避藉詞帶勇先期出城各情卽著以軍法從事在事出力文武員弁紳董

並准其擇尤保奏候朕施恩

同日李若珠許乃釗奏言浙江提臣鄭魁士傷
疾大發經前大臣和春給假折回金陵大營醫
治適值大股逆匪圍撲溧水縣城兵勇潰散力
疾阻遏由郭莊廟帶隊馳援溧水不意中途遇
賊右腿受槍子傷昏暈落馬跌傷左脅幸爲親
軍負出擡回大營醫治隨同和春退守鎮江其

時新舊傷同時舉發急切難愈仰懇

天恩賞假兩月以資調理奏入

上諭內閣曰浙江提督鄭魁士自溧水退守鎮江並不
協同防勦復由鎮江退至仙女廟雖稱因傷就醫究
屬畏葸無能姑念其從前打仗尙屬出力著以總兵
降補並賞假兩箇月調理俟傷疾全愈卽行銷假隨
營勦賊以贖前愆

李若珠又奏言薛成良經過邵伯藉詞候餉有意滋事經臣給以一月餉銀薛成良執意不從欲盡索從前積欠之餉副將王萬清向伊再三開導竟拘至船中揚帆遁去所過露筋一帶頗爲滋擾臣見其索餉劫官叛形已露當於揚防派兵勇二千餘名令副將劉成元等帶往名爲彈壓實則防範並派水師總兵黃彬等各帶大

小艇船四十餘號星夜尾追以擊其後一面知
照總兵黃開榜帶領水師於高郵湖面以扼其
前旋據劉成元等稟稱薛成良所部之衆現在
高郵湖之王家港地方停泊已被官軍四面圍
住斷不任其逃逸並奪回快船十餘隻拏獲勇
丁數十名詢稱王萬清尙被拘住仍欲藉此索
餉適副將曾秉忠自上海帶來長龍船數十號

臣又飛調四十隻前往高郵會勦薛成長之衆
現在已成阱獸臣惟有傳飭各將弁晝夜攻打
剋期殲滅斷不使一名漏網奏入

上命軍機大臣傳諭李若珠曰薛成長索餉劫官任意
妄爲自應大加懲治惟現當賊勢猖狂之際若操之
過蹙必致激生事端並恐以後賊匪藉口未肯再作
投誠之計其已經自拔來歸者亦恐心存疑慮反側

不安於辦理招撫解散脅從之法未免窒礙況薛成
良旣授職官卽查明有滋事實跡亦應照軍法治以
應得之罪其部下勇丁宜將首先滋擾之人嚴加懲
辦餘衆分別解散方爲妥善著李若珠乘此圍攻得
手之時飭令該勇丁等將薛成良並首先滋事之人
一併交出訊明後定擬具奏儘有意致死滅口惟李
若珠是問其餘安撫分別遣留勿得激成事變以弭

李若珠又奏言幫辦軍務臣許乃釗由上海繞赴鎮江於五月十五日行抵揚防瓜揚爲北岸屏藩萬分喫重臣擬請許乃釗專駐仙女鎮地方藉可就近會商辦理一切查該處爲揚防後路得有大員駐紮尤足以鎮定人心至菱塘橋湖口賊壘經我軍踏毀後該逆復調大股沿湖

排紮意圖擄船東竄經總兵黃開榜等督飭水
師截住要隘一面挑選精壯奮勇三百餘名裸

衣涉水拚死上岸立將該逆大小划船三十餘
隻全行奪獲乘勢上岸分道跟追該逆均往天
長六合大路逃回菱塘橋一帶賊蹤均已肅清

奏入報

二十四日丁巳都興阿奏言臣到英山以來與撫

丁

臣胡林翼籌商查有儘先副將余際昌所部勇
丁三千餘名現在霍山扼要駐紮若將此軍移
動霍山藩籬盡撤北路空虛臣本擬先行帶領
馬隊馳赴防所第思督辦軍務責任甚重屢咨
多隆阿催調吉林馬隊未見咨覆舒保撥赴霍
山西丹馬隊二百餘名疲弱不堪現到英山馬

隊止有百餘員名卽使帶往亦難得力臣奉

命迄今四十餘日尙在英山庸闊無能實難辭咎仰懇天恩將臣交部從重治罪以爲軍務遲延者戒奏入

上命軍機大臣傳諭官文都興阿胡林翼曰江北久無統帥防勦喫緊若該將軍因馬步兵單遷延日久深恐有誤事機著官文胡林翼迅卽飭令多隆阿舒保將所部馬隊酌量調撥都興阿軍營與該將軍現有

馬隊合計湊足四五百名以資攻勦並著調得力兵
勇三四千名派委鎮將大員一二人管帶聽該將軍
調遣江北李若珠所部一軍該將軍馳抵後即可全
歸統帶都興阿著仍遵前旨酌量情形取道臨鳳剋
期馳往江北督辦堵勦事宜勿得再有遲誤該將軍
起程遲延事出有因所請交部從重治罪之處著加
恩寬免

同日瑞昌王有齡奏言逆匪竄踞吳江卽至八
拆地方經官軍擊退四月二十五日大股盜擁
來撲平望營盤兵勇驚潰江長貴身受槍傷退
至嘉興截留潰軍不止已折回省垣副將張守
元等帶兵在杉青關堵守逆匪三路並進該員
等迎擊均受重傷迫回至嘉興府城南門已被
攻破折至距城五十里之沈蕩村暫紮阻其進

省之路署嘉興府知府張玉藻先奉札委辦糧臺因警信頻聞將糧臺所儲銀兩安放城外舟中驚見城中火起卽將糧臺轉櫂而南欲由海鹽入省沿途接見署司獄賴其勛知郡城已失其餘在城文武各員均無下落賊氣日熾偏近杭垣當卽飛調駐紮武康之吳再升一軍並在嚴衛兩防之饒廷選所部三千名及薛斯來楊

金榜王振聲各軍陸續來省以資防勦連日據
探該逆欲由海鹽沿海地方直犯浙省並思東
竄甯紹完善之區已咨請署提督臣賴信揚督
帶水師礮艇並札飭上游各項礮船駛赴尖山
龍子臺一帶巡防一面封禁渡船令海甯蕭山
各州縣激圍守禦臣等與張玉良會商宜乘賊
勢未定爲先發制人之舉臣王有齡擬卽親統

各軍剋期前往張玉良已派總兵吳再升帶勇
三千一百餘名由海甯一路探明迎剿副將劉
仁福帶勇二千餘名由塘棲新市馳赴平望抄
襲賊之後路張玉良等帶兵勇八千數百名由
長安鎮石門縣一路進攻嘉興之賊誓當與張
玉良翦除羣醜收復各城其省城防堵兵勇歸
臣瑞昌督辦此外江南潰退之衆軍火尙未配

齊交通永鎮劉季三統領節制在城外繁營俟
軍火配齊再行酌量調遣

王有齡又奏言正繕摺間據張玉藻稟稱行至
澉浦遇潰兵環求給餉當經給予銀兩詢知郡
城已失祇得由海道至紹興求救並將餘銀交
紹興府知府懷清收存等語臣查張玉藻當賊
匪未至毫無準備藉管局務以船作寓居心已

不可問賊至攜銀逃走航海至紹更出情理之外請

告將署嘉興府知府張玉藻革職拏問由臣檄行紹興府知府委員押解來省嚴行審辦奏入

上命軍機大臣傳諭瑞昌王有齡曰據奏嘉興失守賊氣逼近省垣覽奏實深憤憲前有旨命瑞昌總統江南諸軍並令江長貴幫辦軍務嗣因賊至武康杭城

危急復諭瑞昌先顧杭城再圖進取現在江長貴受
傷折回省城仍著瑞昌親統各軍出省勦辦王有齡
留於省城布置一切無庸帶兵出省江長貴業經受
傷退回如不能勝幫辦之任卽著瑞昌王有齡遴選
提鎮大員奏請幫辦此時瑞昌帶兵前赴嘉興一帶
卽令張玉良爲前敵至逆匪欲擾甯紹完善之區該
將軍等卽派賴信揚督帶水師礮船扼要巡防並激

勦民團聯絡守禦毋令紛竄署嘉興府知府張玉藻
見賊先逃已明降諭旨將該員卽行正法以儆其餘
浙江省軍務疲玩已極該將軍等務當加意整頓以挽
積習而振軍心

上諭內閣曰署嘉興府知府張玉藻於賊匪未至之先
旣不能豫爲準備輒藉經管局務爲名攜銀逃走航
海避至紹興實出情理之外僅予革職拏問不足蔽

辜張玉藻著卽行正法以爲棄城逃避者戒其餘文
武各員下落著王有齡查明具奏

二十五日 戊午 喬松年奏言查鎮防及水師之餉

前由何桂清在上海籌銀交查文經散放其時
查文經遠在上海各營無從請領致揚州正餉
欠數更增現在查文經已到揚州自當仍由該
員承辦江南糧臺以專責成奏入

上命軍機大臣傳諭薛煥喬松年曰查文經現已渡江
著薛煥仍遵前旨將該員追回另揀委員於江甘一
帶擇地安設江南糧臺妥爲辦理迅由上海籌畫餉
糈源源接濟若令諸軍飢潰惟薛煥是問長龍船兵
餉卽著由江南糧臺支放至江北糧臺事務已明降
諭旨令王夢齡督同喬松年辦理旣有督辦大員該
運使不得以呼應不靈爲詞仍當不分畛域寬爲籌

濟

同日李若珠奏言薛逆占踞王家港副將劉成
元等帶隊由車羅壩分道進攻絕其陸路總兵
黃開榜等各帶艇船齊進薛逆率衆死拒刀經
明挑奮勇三百餘名繞過湖灘從蘆葦中施放
噴筒火箭登時四面燃燒逆衆紛紛往湖中逃
竄賴鎮海等隨後尾追黃開榜等迎頭截住大

小艇師回環轟擊王萬清帶領內應之王品裕等從中殺出詹啟綸率衆衝鋒立將薛逆大小船隻三百餘號全行轟擊入水焚燒淹斃屍滿湖中查點王萬清帶出內應之王品裕等船隻共計六十餘號大小男婦一千餘名賴鎮海等共奪獲船隻四十餘號生擒大小男婦五六百名其餘船隻人衆均已淹沒無遺據獲賊供稱

薛逆先經薙髮冀圖逃脫及見官軍四面逼近
業已投水身死各等語臣查薛逆尋覓聚衆使
防範稍疏則高竇已不堪設想全賴水陸各師
圍攻十晝夜一律殲除實足以伸

國法在事文武合無仰懇

天恩准其擇尤保奏以示鼓勵奏入

上諭內閣曰前因薛成良歸誠效順獻出江浦縣屢次

出力著有戰功疊經降旨褒獎賞給三品項戴花翎
其部下頭目人等亦經分別加恩獎勵以爲自拔來
歸者勸乃投誠已逾一載不知感激圖報始則索餉
劫官繼而勾結巨逆負嵎築壘狼子野心怙惡不悛
實屬自外生成罪無可逭除不願從逆及從中內應
之五品花翎王品裕等深明大義及隨同投出之被
脅男婦一千餘名均著准予免死外其生擒之男婦

數百名卽著李若珠分別正法遣散妥爲辦理出力
將弁文武准其擇尤保奏至薛成良降而復叛法所
不容自應大加懲創以伸國法而快人心其餘各路
軍營如有去逆效順真心投誠者一經統兵大臣及
各督撫奏聞仍必優加褒獎不吝恩施將此通諭申
外知之

二十六日 己未 官文曾國藩胡林翼奏言查丁憂

回籍同知直隸州知州葉兆蘭前在潛山勤苦
自勵士民望如慈父母其治民實蹟與明臣王
守仁治贛南

國朝于成龍治蘄黃約略相似現經臣胡林翼札
飭召募桂陽東安等處久經戰陣勇丁一千二
百名六月杪趕緊到皖以資防勦該員辦事血
誠不可多得如蒙

聖慈飭諭葉兆蘭起復總辦皖省八縣民團並懇

天恩特加升銜暫權道府則地方呼應較靈兵事民事

當有裨益奏入

上諭內閣曰升用同知直隸州知州知縣葉兆蘭現以
丁憂回籍著卽起復署理安慶府知府總辦宿松等

八縣團練

同日官文曾國藩毓科奏言查九江爲江楚咽

喉關繫兩省全局從前普承堯進勦建德兼扼
彭湖已屬跋前疐後若再進紮馬田洋湖阪一
帶是專注徽防距尋愈遠轉置兩省門戶於不
顧現在賊勢趨重蘇常而皖南連復旌涇太石
數城軍聲較振所有普承堯一軍未便深入皖
境仰懇

恩俯念九江險要攸關淮令普承堯統率全部扼守

巡防以固江楚門戶兼可與道員彭玉麟水師
互相策應爲臣曾國藩進攻皖北後路聲援至
駐軍之下隅阪查非扼要之區應令相度地勢
另行擇要紮營專顧潯防兼控建德以杜窺伺
仍俟池州收復徽師堪以抽調由張芾派軍駐
防或江省往援蘇浙之師凱旋有兵可分再行
酌覈辦理奏入

上命軍機大臣傳諭毓科曰皖南自克復涇旌石太後
建德防守稍鬆普承堯所部兵勇未便令其深入皖
境著毓科卽飭普承堯統率全部擇要扼守以固江
楚門戶與彭玉麟水師互相策應兼爲曾國藩所統
一軍後路聲援至該總兵現駐軍下隅阪地方僻處
一隅勢難兼顧並著飭令相度地勢另行移紮專顧
潯防並控建德以遏賊氣而固疆圉

曾國藩又奏言臣連日與官文胡林翼籌商臣所部萬人暫交臣弟曾國荃留皖統帶但於安慶圍師中抽出總兵朱品隆副將唐義訓之二千人從征而飭臣弟另募二千以補其闕又於鄂師中咨調綏靖鎮總兵鮑超霆字營六千遊擊楊鎮魁禮字營一千合之現駐宿松馬步隊約共萬人隨臣先行過江又遵調開歸陳許道

張運蘭一軍並咨商湖南撫臣駱秉章候補四品京堂左宗棠在湖南募勇萬餘人挑選將佐配齊軍械陸續由江西以達皖南會合進剿惟鮑超因傷疾舉發給假回蜀計須下月始到張運蘭遠在郴州計須七月乃可趕到左宗棠續募之勇到皖更需時日臣目下南渡兵數甚單統將未齊應先駐紮祁門縣境東以聯張芾徽

州之聲援西以保江右饒州之門戶俟鮑超張
運蘭到時卽令分赴徽甯蕪湖兩路俟李元度
五千人到時卽由廣信赴浙蘇一路計三人到
營之期先後不甚相遠臣自宿松起程便道至
安慶水師營次與楊載福彭玉麟面商後卽由
建德以趨祁門儻下游軍情愈迫鮑超等到營
稍速臣當隨時策應不敢稍涉拘泥

曾國藩又奏言臣擬辦淮揚水師保裏下河產米產鹽之利然以臣屈指計之收效恐在一二年後不知部臣另有變通之方籌備京米否但此事要在必行仰懇

聖恩寬臣期限俾得辦成水師卽防勦亦有裨益仍請飭下戶部查明京倉米石存餘若干是否足支王癸等年之用咨行到臣俾得斟酌籌辦

曾國藩又奏言鄂省爲各路用兵之樞紐自古
有事於大江南北者必爭此上游形勝湖北但
有重兵卽足制賊死命然臣已調鄂兵七千都
興阿帶赴揚州又分數千人兩路各撥餉數萬
湖北之力甚形竭蹶設愈分愈薄鄂省一有疏
虞則南六省之奏報不能達於北路伏乞

乾斷嗣後他處喫緊毋再抽撥鄂省兵勇俾官文胡林

翼等得以勉力支撑不致蹈金陵大營覆轍奏
入

上命軍機大臣傳諭曾國藩曰蘇州失陷以後崑山吳江相繼不守賊蹤蔓及浙省遂陷嘉興新授巡撫薛煥雖由上海督勇克復太倉嘉定而地僻兵單勢難展布杭州將軍瑞昌前曾命其統師赴蘇現因杭城危急亦恐未能前進曾國藩現已抽調兵勇萬人由

宿松進駐祁門俟鮑超張運蘭李元度到後卽由徽
甯蕪湖廣信分路進兵具見胸有成竹謀定後戰惟
蘇省待援迫切該署督惟當催令鮑超等迅速來營
會籌進剿但能援師早到一日卽早一日救民水火
實深殷盼該署督進剿徽境後擬卽整頓皖南吏治
該處軍務亦應統籌昨曹毓瑛奏張芾等任賊長驅
以致江浙大局決裂現徽甯兵勇尙有三萬餘名若

統歸曾國藩節制即可簡其精銳以資攻剿不必專俟新募之勇等語張芾督辦皖南軍務於賊匪入浙不能堵禦咎無可辭徽甯等府本曾國藩兼轄地方該處軍務如併由該署督辦自覺事權歸一惟地方遼闊能否控馭得宜著曾國藩於抵徽後察度情形奏明辦理該署督現統兵勇較單未可輕率前進宜加持重爲要至所稱擬設淮揚水師以保裏下河

之米各場竈之鹽兼輔淮揚陸軍均屬目前要務應
卽興辦至京倉米石久形短絀蘇常雖經治陷而產
米之區尙復不少其本年漕米應如何酌量催徵起
運赴京卽著該署督咨商薛煥熟籌辦理事關京師
根本該署督責無旁貸諒能悉心策畫至鄂省官軍
礙難抽調自屬實在情形曾國藩所募之勇人數較
多所有餉需自應早爲籌及總須得力可用方能餉

不虛糜

二十八日辛酉袁甲三奏言大股粵逆由和含糾

邀黨衆復來圍撲全縣派參將蔣立功等帶隊
迎勦賊衆四散奔逃經我軍截殺殆盡該逆復
於七里岡等處分紮營盤不下三十餘座李世
忠與各將領會商輪流血戰先將七里岡賊營
八座踏毀以次進攻勢如破竹儘三晝夜之力

將賊壘一律埽除斃賊二千餘名生擒三百餘
名濰圍立解至全椒之賊經官軍擊退又由含
山新調大股賊衆至赤鎮盤踞經代理知縣陳
炳遊擊李顯發等潛兵夜襲放火延燒所占民
房焚死賊匪無數生擒四十餘名餘賊奔潰臣
查滁全一帶粵逆勾結捻匪屢經李世忠痛勦
臣又飛飭添撥勁旅埽蕩而前務使全椒境內

恩施

一律肅清該營出力文武員弁兵勇由臣先行存記俟來安克復後一併奏懇

袁甲三又奏言天六賊匪聚黨數千復竄菱塘橋紮營三座遊擊張得魁等更番攻勦斃賊百數十名該逆由菱塘橋後面牧馬湖竄出一二千人搶擄民船經把總謝春榮等將民船全數

護出該逆無船可據遂撲菱塘橋力拒我軍高
郵練船首先接仗楊德榮等指揮敵船四面轟
擊殲戮頗多餘賊敗退在沿湖上下蔓延二十
餘里紛紛搶渡黃開榜督率備弁由烏龍莊過
河奪獲划船三十餘隻溺斃賊匪無數餘俱登
岸奔向張得魁等跟蹤追勦並會合附近團練
連破賊營三座賊勢不支全行潰竄追殺十餘

聞

里統計斃賊一千餘名奪獲槍礮刀矛二百餘件復將菱塘橋奪回奏入均報

二十九日 壬戌 官文胡林翼奏言曾國藩奉

命署理兩江總督部下兵力實薄若遽撤安慶之圍則皖北全局震動再四商榷於安慶圍師中抽撥朱品隆等馬步一萬餘人渡江啟行安慶圍師

尙須添募以益兵力雖經臣胡林翼趕緊召募而新勇未至舊隊先行彌縫補救實已竭蹶不遑都興阿到英山亦言安慶桐城潛山霍山等處兵力實形單薄現據副都統多隆阿舒保前後咨稱馬隊不敷防勦臣胡林翼先行咨送遊擊周玉成等親兵二哨統計馬步不滿千人都興阿五年八楚北七年八皖北血戰經營始得

此尺寸之土地若使楚師盡行皖疆復委棄於賊實非都興阿之心且皖北地方八年之久未覩官軍威儀該省新復之宿松太湖潛山等處六州縣殘黎喘息未定每聞撤調兵勇則士民遮道號泣慘不忍聞若以兵少餉竭棄此孓遺之皖民而僅以保境圉爲心亦非臣等所忍出此都興阿足疾本未全愈乘輿以行需人扶掖

前在省城臣等卽囑其暫行養息數旬都興阿
力言不可臣等目擊其精力短絀衝鋒陷陣實
恐未能再馬隊必須步隊相輔今則副將石清
吉雷正綰總兵鮑超等旣不能同行余際昌三
千三百人獨當英霍一路一搖足而山險盡失
若以零星隊伍雜湊成行則北人管帶南勇風
氣旣異情僞又難盡知近日楊載福彭玉麟督

率水陸將安慶東路樅陽鎮僞城克復樅陽爲
安慶之咽喉賊匪糧道必經之處且北皖逆首
陳玉城及各賊目之妻孥畜產盡在安慶城中
賊之來援必速查湖北兵力未分時陳逆糾十
萬之賊西犯以救潛山太湖南等與曾國藩合
力圖謀血戰月餘屢瀕於危幸而勝之今則賊
旣無所顧忌必挾全力西犯以謀楚軍曾國藩

既已渡江楚省兩次又分去勇丁一萬六千人
臣胡林翼新募各軍尙未趕到是楚北皖北之
危迫情形不待智士而已知之都興阿有督辦
軍務重寄非臣等所敢擅留惟細審兵勢賊勢
及都興阿近日精力顛懣

聖恩另簡大員馳往江北其安慶桐城後路空虛應以
臣胡林翼兼行替管黃州德安漢陽一帶可否

暫飭都興阿移入麻城孝感黃陂等縣養息病
軀藉其聲威坐鎮或可補救萬一再聞布政使

薛煥現在揚州應否專委召募陸勇水師以保
揚州鹽場及裏下河產米各州縣吳楚皆澤國
也以舟楫爲利水師一萬可抵步兵十萬應請

飭下督臣曾國藩於淮安設大府選將募勇造船鑄礮

另設水師專營奏請賢才破格錄用假以便宜

淮安地處上游江湖河海均可通行異日克復
江甯蘇州常州各郡縣必以水師爲根本其甯
國太平等府之石關湖南洞庭湖應另設水師一
支衢州杭州亦應設水師一支勤遠謀而收實
效惟水師得力則吳越可平曾國藩自咸豐三
年創造水師管帶最久賢才旣多功績旣大以
此委任而責其成功事必有濟奏入

上命軍機大臣傳諭官文胡林翼曰官文等奏增募勇
丁並另設水師專營與曾國藩所籌適合曾國藩已
抽調兵勇俟鮑超張運蘭李元度到後卽由徽甯蕪
湖廣信分路進兵並擬設淮揚水師以保襄下河及
各場竈兼輔淮揚陸軍已令卽日興辦鄂省官軍調
出已多漢黃德三府空虛恐賊匪乘閒內犯胡林翼
已派員前往湖南增募勇丁著俟新募各軍到後妥

爲布置勿使逆匪得伺其隙新授江蘇巡撫薛煥現
在上海並未前赴揚州江北統兵大臣非李若珠所
能勝任都興阿雖患腰疾不能騎馬然該將軍久歷
戎行曉暢兵機正可藉資調度不必衝鋒陷陣親臨
前敵著該大臣等仍遵前旨調撥馬隊兵勇並籌備
餉項派赴都興阿軍營以便該將軍統帶起程前往
江北督辦堵勦事宜勿稍遲誤

同日瑞昌王有齡奏言接米興朝咨稱該逆自五月初三日起於我軍營盤前後聯絡繁營相持對擊日夜無休初四日該逆三面衝突各軍憑魯環擊署廣德州高楨率團助陣賊卽退去次日逆衆傾巢出撲各軍或分隊進戰或堅壁拒守城中僅該革鎮小隊三百名分守四門該逆又分股截斷南路各鄉圍練三千餘名隨同

高楨等暫駐東路奮勇前進爲賊轟擊數十人
立時奔潰賊勢遂欲衝入城中該革鎮等併力
堵住而西北深林伏賊盡起兵勇四散廣德州
城失守該革鎮帶領親軍衝出城外徒步退至
孝豐請卽派大員統率大隊來孝豐堵勦聽候
嚴査治罪等語臣等當卽咨催江長貴所統五
千餘人迅速前進扼其內竄又思廣德與長興

孝豐安吉各縣處處可通除飛檄趙景賢等嚴
防湖郡外適調回平江營一軍三千餘人飭令
卽日進紮餘杭爲江長貴米興朝等後路策應
聞嘉興賊匪三次出擾濮院鎮均爲民團擊退
張玉良已於初六日自省起程初七日至石門
縣暫行駐紮賊於初六日竄至陡亹焚掠並至
附近白洋鎮地方幸有民團數千未敢直犯退

回嘉城該提督擬於初八日選帶二三千人前
赴石門灣白洋鎮之閒步步進紮設法攻勦並
調守備李一林等管帶礮船駛赴石門以便水
陸並進臣王有齡候閩楚各軍齊到亦當統率
繼進第張玉良收集江南潰勇竟有二萬五千
餘人合之省城內外防勦諸軍以及福建江西
新撥各隊實不下六萬餘衆月需餉三四十萬

兩實難支發容臣等設法供支

同日張芾奏言敗匪屬聚太平之甘棠副將余永椿等正在勦辦得手青陽貴池之賊由南陵竄犯涇縣溧陽宜興之賊由湖州竄撲廣德駐守廣德之革鎮米興朝駐守涇縣之副將李嘉萬均請濟師經周天受派參將林保馳援廣德遊擊曾得勝馳援涇縣甫經發隊而廣德失守

米興朝退往孝豐涇縣營盤失利縣城亦陷李
嘉萬及都司蔡湘力戰捐軀遊擊楊名聲等退
至太平之黃花嶺時周天受派援太平之參將
丁文尙亦在該處揚名聲又退至歙北之鶴嶺
外臣復派道員蘇式敬馳往助守行抵績溪之
罐子嶺丁文尙又已敗退賊遂由三溪竄旌德
西鄉孫村等處蘇式敬力扼罐子嶺一帶要隘

廣德股匪竊伺甯國府城經周天受擊劄之遂
由甯國縣東岸至旌德與涇匪合股余永椿等
暫撤甘棠之師以顧嶺防其派守青陽之參將
張應超亦回紮太平之郭村現在嶺防旣固已
飭蘇式敬等速攻孫村余永椿等速攻甘棠並
飛咨周天受親往督勦謀聞廣德之賊盡數竄
出計提督江長貴已抵廣德所部五千餘人當

足以敷防勦浙皖門戶應不至再有疏虞所盼
督臣曾國藩剋日渡江借其聲威庶可漸次廓
清徐圖補救其力戰陣亡之總兵李嘉萬等應
請

旨飭部分別從優議卹

張芾又奏言甯國糧臺向由浙省派道員孫觀
經理自本年正月間孫觀赴浙乞餉卽乏員區

畫旋以浙省有警孫觀迄未回甯臣奏派暫行
代辦之徽甯道福咸又藉病譏卸仰懇

飭下浙江撫臣仍派大員經營糧臺以專責成均奏入
上命軍機大臣傳諭瑞昌王有齡曰廣德涇縣先後失
守賊蹤剽急恐其席卷而東則浙省面面受敵著卽
咨催江長貴一軍迅速前進扼其分竄並撤平江營
一軍進紮餘杭爲江長貴等後路策應嘉興賊匪出

擾屢被民圍擊退張玉良收集江南潰散兵勇合之
省城內外防勦諸軍及福建江西新撥各隊不下六
萬餘人兵力不可謂不厚現已步步進紮並調水師
艦船駛赴石門以便水陸並進張玉良素稱勇敢前
次救援杭州厥功甚偉故命署理欽差大臣總統諸
軍旋以蘇州失守潰退革職留營著卽飭令迅復各
城以贖前愆儻所向有功仍可重膺懋賞甯國糧臺

著王有齡迅派大員前往辦理以專責成

上又命軍機大臣傳諭張芾周天受曰廣德涇縣失守徽甯之路隔絕卽飭道員蘇式敬等由績溪旌德迅速進攻節節埽蕩克復城池以保浙皖門戶廣德之賊盡數竄出是否該州城已經收復並著查明具奏上諭內閣曰廣德涇縣失守力戰陣亡之總兵李嘉萬著照總兵例從優議卹都司蔡湘著照都司例從優

議卽已革總兵米興朝辦理廣德防務是其專責乃
不能固守待援實屬守禦不力前有旨令該革員暫
署浙江提督著卽撤去仍留軍營責令立功自贖遊
擊楊名聲節節退縮著革職暫行留營效力如再不
知振作卽以軍法從事張苦籌辦無方亦有應得之
咎著交部議處該處竄匿卽著會合周天受迅圖勦
辦毋任蔓延

同日大學士彭蘊章工部尙書張祥河工部左
侍郎潘曾瑩宗人府府丞厲恩官順天府尹
董醇詹事府詹事殷兆鏞大理寺少卿潘祖蔭
署順天府府丞翰林院侍讀學士吳存義鴻臚
寺少卿曹毓瑛奏言欽奉

諭旨令臣等各舉所知督辦團練臣等公同商酌查有
現任大理寺卿晏端書候補鹽運使潘鐸均曾

任封圻才識練達該員等籍隸揚州江甯二府
可否

簡派一員督辦江北團練淮徐道吳棠謀勇兼優輿情
愛戴雖距揚州較遠而一切機宜均可往返籌
商可否卽以該員幫辦江北團練其江南團練
現有丁憂在籍內閣學士龐鍾璐督帶沙勇克
復江陰太倉等城該員籍隸常熟勇敢出力甚

有鄉望可否請

旨令其督辦江南團練其幫辦之地方官容臣等逐加
訪察再行保奏作爲團練副使以期相助爲理

奏入

上諭內閣曰著派大理寺卿晏端書作爲江北督辦團
練大臣馳驛前往並著淮徐道吳棠幫辦團練事宜
在籍內閣學士龐鍾璐著爲江南督辦團練大臣其

幫辦之地方官著彭蘊章等於江蘇司道中訪察保奏候旨簡派

同日戶部左侍郎梁瀚奏言欽奉

諭旨令臣等各舉所知督辦團練查陝西三四品以上京外官僅臣與張芾及浙江運司田潤三人候補四品京堂聶灤告假在籍年老多病陝西實無可保之人竊思署撫臣譚廷襄辦事結實熟

悉地方情形可否

飭令督辦一切前任陝安道陳晉恩現任陝安道張守岱均能實心辦事在籍候選知府馬百齡才略過人可否幫辦團練事宜之處均請

旨定奪奏入

上諭內閣曰陝西團練卽派署巡撫譚廷襄督辦前任陝西陝安道陳晉恩著發往陝西與現任陝安道張

守岱在籍候選知府馬百齡均幫辦團練事宜